

Prvi zamjenik visokog predstavnika Hearne sastao se sa premijerom FBiH Novalićem: Reforme mora pratiti osjećaj hitnosti



Prvi zamjenik visokog predstavnika Dennis W. Hearne sastao se danas u Sarajevu sa premijerom FBiH Fadilom Novalićem. Razgovarali su o trenutnoj političkoj i ekonomskoj situaciji, te o prioritetima vlade koji su realno ostvarivi do kraja sadašnjeg mandata.

Prvi zamjenik Hearne je naglasio da je bitan osjećaj hitnosti kad se govori o provedbi reformi. "Svi trebamo staviti akcenat na jačanje vladavine prava, podsticanje ekonomskog rasta i očuvanje političke stabilnosti. Svi ovi elementi, koji su duboko povezani, trebaju biti suština političkog djelovanja u vremenima koja su ispred nas".

Prvi zamjenik Hearne je dodao kako očekuje dobru i uspješnu saradnju sa premijerom Novalićem i Vladom FBiH.